



Paarl-Vallei
Gemeente
ONS LOOP WAAR JESUS LEI

Ned Geref Gemeente: Paarl-Vallei

DOOPREGISTRASIE

Die Voorsitter van die Kerkraad,
Dit is ons as ouers se begeerte om ons kindjie te laat
doop.

Ons verstrek die volgende besonderhede:

Van: _____

Voorname van kind: _____

Geboortedatum: _____

Doopdatum: _____

VADER (volle name): _____

MOEDER (volle name): _____

haar nooiensvan: _____

Datum van huweliksbevestiging: _____

Gemeente waar huwelik bevestig is: _____

Ingeskrewe lidmate van Paarl-Vallei; sedert: _____

Woonadres: _____

Telefoon (huis) _____ Werk _____

ONTHOU: Reël asseblief vroegtydig *SELF* 'n afspraak met u leraar!!

1. Wat motiveer u om u kind te laat doop?

2. Hoe gereeld woon u die eredienste by?

3. Betrokkenheid/dienslewering in die gemeente:

HANDTEKENING (Vader)

HANDTEKENING (Moeder)

VIR KANTOORGEBRUIK

Opmerkings: _____

Doopbediening – leraar: _____

Datum: _____

Toestemming om in ander gemeente te doop:

Gemeente: _____

Datum: _____

-----oooOooo-----

FORMULIER VIR DIE BEDIENING VAN DIE DOOP AAN DIE KINDERS VAN GELOWIGES

Geliefdes in die Here Jesus Christus, vir die bediening van die doop moet ons die volgende weet en met ons hele hart daarop vertrou:

WAAROM DOOP ONS?

Ons word gedoop omdat die Here God 'n verbond van genade met ons en ons kinders gesluit het. Reeds vir Abraham, die vader van alle gelowiges (Gal 3:29; Rom 4:11,16), het die Here gesê: "Ek bring 'n verbond tot stand tussen My en jou en jou nageslag en al hulle geslagte. Dit is 'n blywende verbond: Ek sal jou God wees en ook die God van jou nageslag." (Gen 17:7).

In die Ou Testament het die Here die besnydenis en pasga as tekens gegee dat die verbond in sy persoon en deur sy verlossingswerk op 'n nuwe en finale wyse bevestig. As teken en waarborg hiervan het Hy die doop en die nagmaal gegee.

Die Here Jesus Christus het voor sy Hemelvaart aan sy dissipels die opdrag gegee om die doop te bedien. Hy het gesê: "Gaan dan na al die nasies toe en maak die mense my dissipels: doop hulle in die Naam van die Vader en die Seun en die Heilige Gees, en leer hulle om alles te onderhou wat Ek julle beveel het" (Matt 28:19,20a). So het die Here Hom verbind deur hierdie verbond om ons God te wees en ons te seën. Van ons vereis Hy dat ons Hom in dankbaarheid en gehoorsaamheid sal dien.

WAT IS DIE DOOP?

Die doop in die Naam van die Drie-enige God, Vader, Seun en Heilige Gees,
beteken en verkondig:

- dat ons en ons kinders, wat as sonde in die wêreld gekom het, slegs in die koninkryk van God kan kom as ons opnuut gebore word;
- dat die Here daardeur bevestig dat Hy ons in sy verbond insluit, ons tot sy kinders aanneem en ons deel laat hê aan al die voorregte van die verbond;
- dat ons en ons kinders verbind word aan Christus wat ons sonde deur sy bloed gewas het;
- dat ons ou, sondige lewe saam met Hom aan die kruis gesterf het en saam met Hom begrawe is, maar dat ons ook weer deur sy opstanding lewend gemaak word sodat "ons vir die sonde dood is en vir God lewe" (Rom 6:11);
- dat die doop 'n seël is van die inlywing in die kerk van Jesus Christus en ons verplig om as lewende lidmate te leef;
- dat ons as gedooptes die Here uit dankbaarheid met ons hele wese moet liefhê, vertrou en dien, en
- dat die Here ons deur hierdie sakrament verseker dat Hy deur sy Gees in ons wil woon en ons lewe daaglik so regeer dat ons hoe langer hoe meer sy beeld vertoon.

VERBONDSKINDERS MOET GEDOOP WORD:

Kinders van gelowiges moet gedoop word, omdat God die kind van die begin af insluit in sy verbond met die gelowige ouers. Daarom is hele gesinne in die Nuwe Testament gedoop waar die ouer(s) tot geloof gekom het.

Al verstaan die kinders nog nie die doop nie, verander dit niks aan die geldigheid daarvan vir hulle nie. Trouens, dit beklemtoon juis die feit dat dit God is wat uit vrye genade ook in hulle geval die inisiatief neem in hul verlossing.

BLAAI ASSEBLIEF OM . . .

WAARTOE VERPLIG DIT ONS?

Die doop bevestig aan ons alles wat God ons skenk deur die genadeverbond en maak ons telkens bewus van hierdie vaste grond waarop ons geloof berus.

Daarom verbind die doop die ouers om hul kinders soos hulle opgroei oor die betekenis en eise van die genadeverbond in te lig, 'n voorbeeld vir hulle te wees in die uitlewing daarvan en hulle op te roep tot die toe-eiening van God se beloftes.

DOOPGELOFTE:

Geliefdes in die Here Jesus Christus,

U het gehoor dat die doop 'n Goddelike instelling is waardeur die Here sy verbond van genade aan ons en ons kinders waarborg en aan ons al die gawes van Christus skenk.

Om dit te bevestig dat u die doop vir hierdie doel gebruik en nie uit gewoonte of bygelowigheid nie, moet u opreg op die volgende vrae antwoord:

Ten eerste: Bely u dat, hoewel ons kinders as sondaars in die wêreld gekom het en daarom onder die oordeel van God staan, hulle nogtans in Christus aan God behoort en daarom as lidmate van sy gemeente gedoop moet word?

Ten tweede: Bely u dat die leer van die Ou en Nuwe Testament wat ook in die artikels van die Christelike geloof vervat is en in die kerk hier geleer word, die ware en volkome leer van die verlossing is?

Ten derde: Beloof u om hierdie kind, van wie u vader en moeder (voog) is, in die leer na die beste van u vermoë te onderrig en te laat onderrig?

WAT IS ALBEI OUERS SE ANTWOORD HIEROP?

[HARDOP]
